



NOTAT

Til: Vestlandsrådet, Arbeidsutvalet
Sætre, Nora Mette, Næringsseksjonen
Frå: Døskeland, Inge
Kopi til: Torgersen, Matti, Utviklingsseksjonen

Dato: 30. mars 2012
Arkivsak: 201202954-1/IDOS
Arkivnr.: 313

Grunnlagsdokument om sjømat og havbruk, Vestlandsrådet sitt innspel til "Sjømatmeldinga".

Bakgrunn og tilråding

Fiskeri- og kystdepartementet arbeider no med melding til Stortinget om Noreg som verdas fremste sjømatnasjon, "Sjømatmeldinga". Meldinga vil mellom anna inkludere tema om marin forskning (som Vestlandsrådet har gitt innspel til i vedtak 17. februar 2012, "HAV 21" saka) og vurdering av tiltak frå "Gullestadutvalet" sin rapport frå 4. februar 2011.

Marin samarbeidsgruppe (VestMarin) meiner det bør utarbeidast politiske saker knytt til "Sjømatmeldinga" på både fylkeskommunalt og Vestlandsrådsnivå. Vidare at Vestlandsrådet både lager saker i ein tidleg førebunde fase, og i samband med den formelle høyringa i 2013. Det er venta at meldinga vert lagt fram seinhaustes. Vestlandsrådet bør difor ha ferdig sak til handsaming på møtet på Gardermoen 20. september 2012.

Det vert rådd til at VestMarin står for utarbeiding av saksframlegg, engasjerer ekstern støtte til den fylkesovergripande samanstillinga av underlagsinformasjon, og at Vestlandsrådet til dette føremålet stiller til rådvelde om lag kr. 50.000.

Drøfting


Det er ynskjeleg at ei "Vestlandssak" tek opp overordna ambisjonar for regionen og i mindre grad fokuserer på konkrete tiltak og prosjekt som er spesifikke i dei fire fylka. Det er viktig at saka evner å sjå framover i eit 5 til 30 års perspektiv, og tar opp i seg vegval og drøfter politiske prioriteringar. Tema må vere av ein art som alle fylka kan stille seg bak, og som fokuserer på område der Vestlandet har, eller ynskjar å styrke, sine posisjonar.

Vestlandsrådet sin ambisjon for marin sektor kan vere at Vestlandet skal vere Noregs fremste sjømatregion.

Eit viktig argument for dette er at sjømatnæringa har vore ei av dei store vekstnæringane dei siste 10 år. Veksten har vore ca 5,5 % pr. år, mens industrien elles har hatt ca. 1,5% årleg vekst (2000 – 2009). Næringa er vidare kjenneteikna ved å ha ei nøkkelrolle i å sikre robuste kystsamfunn.

Dobbelt så høg vekst i kompetanseintensive næringer som i andre næringer det siste tiåret (32% vs 15%) tilseier at Vestlandet må utnytte og videreutvikle sitt fortrinn som den leiande marine

kunnskapsregionen. Dette vil krevje at ein lukkast med å rekruttere talenta til sjømatsektoren som bidrag til ”kunnskapsøkonomien”.



Målet er at regionen skal skape endå større verdiar og berekraftig vekst basert på våre marine ressursar, og ikkje minst kompetanse.

Stikkord elles er at regionen aukar fokus på marknad og forbrukar. Gjennom ein slik strategi vil prioriteringar verte retta mot

kryssingsfeltet der Vestlandet både har føremoner, og samstundes er i samsvar med dei globale sjømat ”megatrendende” vi ser framover.

Døme på slike kan vere;

- Global befolkningsauke og stigande etterspørsel
- Velstandsauke, fleire 100 mill går inn i middelklassen i Asia
- Forbrukarmedvit, helse og “lågkarbo” trenden
- Sjømat som berekraftig og klimavennleg samanlikna med anna kjøttproduksjon

Stikkord for Vestlandet kan vere;


- Sjømat og helse, sunne kvalitetsprodukt
- Fiskehelse og velferd
- Bioteknologi, raffinering av biprodukt
- Utvikling av meir divers og fleirtrofisk akvakultur
- Berekraft og forvaltning

Fylka si sentrale rolle innan berekraftig marin forvaltning bør framhevast. Vestlandet kan ha ambisjon om å verte leiande på forvaltning og pilotregion i utvikling av metodikk.

- Som forvaltar av areal (PBL)
- Som forvaltar av akvakultur løyve

(Akvakulturlova)

- Som regional utviklingsaktør (RUP med meir)
- Som kunnskaps- og nettverksbygger, koplør mellom kunnskap og næring (RFF, VRI med meir)
- Som eigar av vidaregåande- og fagskuleutdanning



Figur Trendar

Saka bør spegle i kva grad ein vil fremje satsing og prioritering sett opp mot ynskje å framstå som ”komplett” sjømatregion for heile verdikjeda. Ei prioritering vil krevje vurdering av Vestlandet sine føremoner og i kva grad desse er komplementære til andre regionar i landet.